



Ex libris
Joannis Nepomoceni
Camienſis
m^o

LUDOVICI
MAGNI.
FRANCIÆ & NAVARRÆ

REGIS
Laudatio Funebris.

DICTA

*In Regio, ejusdem LUDOVICI MA-
GNI Collegio à CAROLO
PORRÉE, è Societate
JESU.*

Prid. Id. Novemb. Año M. DCC. XV.



Impressa Parisiis & Posnaniz recuse,
Annò Domini 1737.

3k
+ 8/4

LUDOVICI

M. A. D. M.

FRANCIS & NAVARRAE

R. E. G. I. S.

Francis & Navarrae

525222

LUDOVICI

M. A. D. M.

FRANCIS & NAVARRAE

REGIS

M. D. CC. XXV

Francis & Navarrae

Francis & Navarrae

Francis & Navarrae

99

L

Q

suam
com
MIN
SIAE
MI,
QU
OR
ut in
latif
cert
orna
paci
omn
min
ab
ima
mon



LUDOVICI MAGNI

Laudatio Funebris.

Quod in regnis, omnium moderator regno-
rum, hoc in Regibus, Regum idem ar-
bitrè omnium Deus efficere solet, cum
suam in alterutris potentiam ac liberalitatem
commendare ipsi visum est: **CARDINALES E-
MINENTISSIMI, ILLUSTRISSIMI ECCLE-
SIÆ PRINCIPES, PRÆSIDES ILLUSTRISSI-
MI, AMPLISSIMI SENATORES, CÆTERI-
QUE OMNIUM ORDINUM AUDITORES
ORNATISSIMI.** Regna quædam sic illustrat,
ut in ea opes, triumphos, & ornamenta cumu-
latissimè congerat omnia, quæ reliquis imperiis
certo fine ac modo dividit; Reges quosdam sic
ornat, ut in eos animi corporisque dotes, belli
pacisque laudes, & decora liberalissimè conferat
omnia, quæ cæteris Principibus non avarâ, sed
minùs larga manu distribuit. Quasi ex illis aspe-
ctabilibus Diis, quosdam amet eligere, in quibus
imaginem suam plenius exprimat, & expressam,
mortalium oculis ad reverentiam proponat.

Quod cum in multis antea Regibus factum legimus: tum in eo vidimus perfectum, qui Gallia, maximo donorum omnium luctu, ereptus est, LUDOVICUS XIV. Cognomento Magnus, quem DEUS, ex antiquissima toto orbe familia nasci voluit, ut duodecim gloriarum saeculorum, jam inde ab ortu acciperet, & uno minus saeculo propriis laudibus superaret, quem Gallorum votis diu tenuit, ut ad miracula natus, miraculo quoque genitus intelligeretur: cui grandem infudit animam, ut haberet imperio parem: cui majestatem corporis, animo dignam addidit, ut Magni cognomen, ex omni parte sustineret: cui tot virtutes concessit domesticas, ut, si per eas ad solium veniretur, is, vel privatus, eo perveniret: tot Regias, ut si Reges inter Rex eligendus foret, is omnium unus vel primus eligeretur: quem utraque fortuna probavit, in utraque magnus, in utra major esset, dubium relinqueret: cui cito regnare dedit, quia nimium diu regnare non potuit: quem omnium ex omni memoria Regum diutissime imperare voluit, quia si sempiterna forent hominum imperia, imperare semper meruit.

Superba nimium Gallia, si semper imperaret is, quo regnante, gloriam ipsa suam tanto superavit, quanto reliquorum famam imperiorum ante superaverat. Sed qui regna dat gentibus, & regnis Reges, idem aufert illa, & hos
repetit

repetit certo ac definito tempore, ut omnes intelligant, solum perpetuò regnare immortalè Deum. Hac omnibus constituta lege, repetitus est; & ablatu terris, qui Galliæ ad splendorem, Religioni ad præsidium, Regibus ad exemplum, Gentibus ad spectaculum, orbi universo pene ad miraculum fuerat concessus. Quanta, quàm multiplex in uno viro omnium iactura!

Quòd si privata, in publico luctu, damna recensere licet (& nobis certè, licet, nisi malum ingratiè timidi, quàm piè audaces videri) qualem nos in Principe patronum, qualem in domino parentem amisimus, qui pro sua erga hoc cè Collegium munificentia, Fundator ejus appellari meruit, imò debuit; & pro sua erga nos benevolentia, dici non recusavit!

Laudandus itaque nobis deinceps mortuus, qui toties nobis laudatus est vivus. Durum ac triste Oratoris officium, in luctibus suis fieri desertum! Ingrata hodie primùm, quæ semper antehac jucundissima fuit, laudandi Principis optimi necessitas! Ardua verò & operosa res, demortui laudes oratione complecti, qui omne laudum genus, vitâ sit complexus; & quod argumentum Oratores multi, lætitiâ publicâ erecti, dum assumerent divisum, sub mole laborabant; id totum simul Oratorem unum, mœrore gemino debilitatum, in se recipere!

Non detrectabo tamen onus impositum; Vi-

LUDOVICI MAGNI.

res addet amor, si dolor adimet. LUDOVICUM
omnium gentium suffragiò Magnum, quantum
fuit, exhibere conabor; & illum tripartitâ Ora-
tione, triplici nomine Magnum ostendere; Ma-
gnum bello, majorem Pace, Religione maximò.

Talem nuper, aliud (a) agendo designabamus
dum viveret; talem, postquam vixit, adumbra-
mus. Nihil mortuo detrahet veritas, quia vivo
nihil adjecit adulatio. Sola ejus laudes dezerere
potest Oratoris tenuitas; & multum sanè detere-
ret, si quid ei posset deteri, cujus effigies in om-
nium animis impressa ipsum exhibet totum,
vel dum imago oculis proposita, eundem vix ali-
quâ sui parte repræsentat.

Istam effigiem sæpius inspicite, Auditores; &
in illa multò magis, quàm in Oratione nostra
LUDOVICUM ter Magnum recognoscite, ama-
te, & lugete.

PRIMA PARS.

Regibus non una, ut militibus; non gemi-
na, ut ducibus; sed triplex ad laudem bel-
licam aperitur via. Bella enim quæcun-
que Regni causâ gesta sunt; sive illa suis auspi-
ciis gesserint, quod Regum omnium est; sive
illa consiliò administraverint, quod pauciorum
est; seu denique, quod paucissimorum, illa du-
ctu ipso confecerint; ex iis gloriam omnibus
solent, quodam jure suo, accipere: quoniam id
omne

(a) In Oratione habita de Panegyricis An: 1714.

omne Regibus, bene, vel male cadit, quidquid regnis feliciter aut secus evenit.

Quem triplicem veluti campum, etsi fas est Oratorem ingredi, & inde palmas Heroi legere; illa tamen omittam prima auspiciissimi regni tempora, quibus LUDOVICUS jam Rex, sed nondum imperii rector, jam exercituū dominus, sed nondum ductor, jam consiliorum quasi caput, sed nondum moderator, bella tum externa, tum domestica, felicitate sua, virtute aliena, componeret.

Licuerit Oratoribus, qui tunc temporis res Gallicas dicendo profecuti sunt, ad pedes triumphatoris pueri gratulabundos accedere, etiam sine adulationis suspitione. Licuerit bellicas Laureos ad Rupem Regiam, ad Friburgum, ad Ne-rolingam, alibique collectas regis ipsius coronæ attexere, sine ducum nostrorum invidia; illum ego corollis non onerabo, quas deinde jam factus ductor famæ suæ & æstimator, removit à suo capite, & superioribus belli ducibus regnique administris reponendas esse declaravit. Præclarum sanè LUDOVICO fuit eas remittere laureas, quas posset merito suas dicere; cum ejus auspiciis ita mancipata fuisset victoria, ut iidem imperatores modò victores, modò victi, prout has vel illas sequerentur partes, pugnasse quidem virtute sua duce, sed comite LUDOVICI fortunâ vicisse viderentur. Facile ta-

LUDOVICI MAGNI.

8
men Regi fuit, qui propriis abundaret virtutibus, nihil suum duceret, quod fortunæ solum esset suæ. Facile fuit abs rebus iis, quæ ipsius duntaxat gestæ forent auspiciis, nolle felicem appellari, qui satis superque ab illis emineret, quas ductu suo gesserat, vel consilio, ut Magnus bellò prædicaretur.

Regem enim bellò magnum quæ res efficiunt? Hæ opinor, magna bella, magnæ virtutes, magna facinora, magni bellorum exitus. Quæ omnia & singula LUDOVICUS ita comprehendit unus, ut alia quidem aliis majora in eo fuerint aliquando; sed ipse in omnibus, singulis magnus, ac sibi semper æqualis extiterit.

Bellorum magnitudinem unde potissimum repetendam esse dixerimus, AUDITORES? An ex hostium numero, qui aliquando virtutem obruit? An ex virtute, quæ numerum protrahit? An ex locorum diversitate, quæ vires imperii distrahit? An ex temporis diuturnitate, quæ opes atterit?

Si ex hostium numero; hostes multitudine propè innumerabiles, vel soli, vel cum sociis sustinuumus, qui essent ipsi nobis à lapsu sustinendi. Europa nunc æmulatione, nunc timore dominatûs Gallici excitata, milites in perniciem nostram, toto superiore sæculo parere & parturire visa est, semper enixa, nunquam exhausta. Ut, quod Pœtæ commenti sunt, ex satis Draconis denti-

Laudatio Funeris.

dentibus, natos esse armatos homines, illud de sepultis hostium ossibus credere fermè liceat, in de novos prodiisse exercitus, qui non in se, ut illi terrigenæ fratres, sed in nos arma converterent.

Si virtus bellica spectetur; dimicandum fuit cum gentibus, virtute quidem & ingenio diversis, sed utroque metuendis.

Cum gente imperiosa; hoc est quæ uno contenta Rege, regnis pluribus contenta non est: cujus ditio in utrumque orbem latè diffunditur, animus ipsa ditione latius extenditur: quæ nos usque habuit æmulos, donec haberet socios: quæ dominum à nobis quidem accepit volens, sed ipsa dominos antea dare nobis voluit invitis; & se daturam aliquando speravit.

Cum populo, Gallos inter atque Italos, ut locorum situ, ita fortitudine & calliditate medio; & ad alteram, ubi altera minùs proficit, facile converso.

Cum natione, tot militum sæcunda, quot virorum; quæ cum robustissima sit corpore, non minùs animi vî certat, quàm robore corporis: quæ cum valentissima sit imperiò, in nos sæpe tota imperii mole incumbit; quæ cum libertatis retinentissima semper fuerit, inimicis Gallici nominis, mancipare se promptissima semper est, & libertatem sæpe amittit, vano amittendi metu.

Cum Insularum incolis pugnae avidis, temerè pugna:

pugnacibus, feliciter temerariis; qui nisi nos vincerent aliquando, essemus invicti; nisi à nobis vincerentur, essent insuperabiles.

Cùm Republica, cujus potentia, velut illa Romana, à levibus principiis exorsa, crevit in immensum: quæ in angulo terræ posita, & maris arctata fructibus, terrâ marique longè ac latè dominatur. Quæ opes novi orbis colligit, ne à veteri accipiat leges: quæ virorum infœcunda, nunquam non abundat militibus: quæ pro suis semper commodis certat, periculis ferè alienis; nunquam auxilii certior, quàm cum opis egenior; à nullis magis defensâ, quàm ab iis, quibus maximè infensa; nusquam magis tuta, quàm ubi aquis demersa.

Cum Barbaris denique & peregrinis gentibus, cupiditate prædæ inflammatis, navium celeritate securis, littorum asperitate munitis, odiò Christiani nominis in expugnabili armatis, seu vincant seu vincantur, semper inimicis, nunquam pacatis.

Jam verò si ex locorum diversitate bellum æstimetur; quàm variis, sive terra, sive mari locis sumus appetiti? Ingruentibus à dextrâ, à sinistra, à tergo, à fronte exercitibus; ut variò multiplicique distracti periculò, dum petitiones omnes effugere volumus, pateremus omnibus; & modò his, modò illis, nudum, aut minùs rectum latus objiceremus.

Si ex

Si ex bellorum diurnitate rem metiemur: quàm longa, aut quàm multa nobis bella quasi ferie perpetuâ incubuerunt? Non alia ex aliis nasci, sed aliis alia inferi diceres: neque gentem unam campo cedere, nisi ut altera in ejus locum succederet. Ut non magis Herculi nostro, quàm illi Thebano, clavam deponere, & ad tempus connivere somno licuerit.

Ad hæc porro bella tam diuturna, tam diversa, ex tam numerosis, tam bellicosus hostibus cõflata, quas LUDOVICUS virtutes attulit? Quas & quantas bellorum magnitudo postulavit. Fortitudinem animi, quæ nihil non auderet: Providentiam, quæ nihil non caveret: Sagacitatem, quæ aliena consilia exploraret: Prudentiam, quæ sua regeret: Celeritatem, quæ hostium festinationem anteverteret: Constantiam, quæ ipsorum pertinaciam expugnaret: Clementiam, quæ victoriam ipsam vinceret: Firmitatem præterea corporis, nullis inflectendam equitandi aut vigilandi laboribus, nullis resolvendam æstus caloribus, nullis hyemis frigoribus infringendam.

His ille dum procedit ad bellum comitatus, quarum pars antevolat duce providentiâ, pars adheret lateri, aut sequitur, agmen claudente victoriâ, quanta interim populis, vias hinc inde obsidentibus lætitiâ! quanta hostibus longè prospicientibus trepidatio! quanta exercitibus nostris ducem in

Rege

Rege accipientibus fiducia ! si stetit ille, stant undique metu attonitæ urbes: si movetur, nutant pavore arces: si progreditur, omnia venienti cedunt: pontem accipiunt amnes: viam aperiant saltus: juga demittunt montes; claustra referant provinciæ. Ubi verò quò destinavit, eò pervenit: continuo explicat se omnis virtutū ordo; accingitur operi; & ea renovat facinora, quæ admirata est antiquitas: ea patrat, quæ omnis admirabitur posteritas, vix ulla imitatio cōsequetur.

Admirata est Mœsia flumen altissimum, obstante Persa, à Macedonibus tranatum, sinè exemplo. Duplicavit exemplum LUDOVICUS exercitu trans Rhenum trajecto, repugnante Batavo; & priori miraculo fidem adjecit, admirationem abstulit.

Admirata est Asia Petram, quæ solis videretur avibus superabilis, clam, & tacitè ab aliquot militibus superatam. LUDOVICUS in arcem Vefuntionis undique præruptam, Gallos media luce inter crepitantia fulmina transportavit; & Victoriam ostendit non minùs sibi, quàm Alexandro pennatam famulari.

Admirata est Hispania expugnatas à Romanis arces, quæ dicerentur inexpugnabiles, LUDOVICUS Belgii propugnacula expugnando, fecit, ne quæ deinde arx dici auderet inexpugnabilis.

Admirata est Græcia tot urbes ab uno Demetrio captas, ut ipsi expugnatoris nomen addiderit.

xit. LUDOVICUS plures unâ hyeme cœpit mun-
 titas urbes, quàm ille totâ vitâ viderit.

Admiratus est aliquando Cæsar, tantam in vin-
 cendo celeritatem suam, ut veritus ne diutiùs
 narraret, quàm pugnaverit, tribùs omnino ver-
 bis rem totam comprehenderit, *veni, vidi, vici.*
 LUDOVICUS Bataviam vix dum ingressus, non-
 dum viderat, nondum venerat, jam vicerat.

Dicat præterea quid admirata sit antiquitas;
 & miracula miraculis reponemus: vel potius vi-
 deat nostra, obstupescat, & fileat.

At enim optaretis forsitan (quoniam in iis,
 quos amamus, vel admiramur, vota plerumq;
 ultra modum extendimus) optaretis ad hæc tan-
 ta LUDOVICI facinora, prostratas campis acies,
 & exercitus internecione deletos adjici. At no-
 lite vobiscum pugnare votis, Auditores, nolite
 sublato LUDOVICO id optare unum, quod eò
 vivò unum extimuisistis. Timuit enim verò Gal-
 lia, & proficiscente ad bella Rege suo semper
 timuit, ne collatis cum hoste signis dimicaret.
 Meminerat, nec sinè horroris sensu recordaba-
 tur, quoties ille in obsidendis urbibus, dum o-
 pera lustrat & promovet, dum exemplò præit
 & excitat, in capitis periculum venerit; & ipsa
 cum capite suo, hoc est cum Rege, periclitata sit.
 Timebat, quæ nihil ab hoste suis provinciis me-
 tueret, ne laude bellicâ jam cumulatùs Heros,
 sed ut laudis natura fert, nondum satiatus, no-

vam Martis aleam tentaret. Gratia optimo Regnorum & Regum Custodi Deo quod idem hosti & Galliametus incubuerit, & quantum ista Regis capiti, tantum ille sibi à Regis manu timuerit. Gratia hosti benè provido, quod advètante LUDOVICO semper fugerit, & fuga saluti suæ, securitati nostræ consuluerit. Gratia multò magis LUDOVICO, quod desiderium vincendi suum, amore metùque nostro non debilitari, sed comprimì permiserit: quod intellexerit aliter Henrico Magno, dum regnum quærit & comparat, aliter sibi, dum Regni fines tuetur vel amplificat, bel-landum fuisse quod se demum satis vicisse senserit, ut superbissimis illis gentium victoribus nihil invideret. Et verò sic ille vicerat, ut nemo dubitaret, quin eorum præcipitem impetum posset assequi, si vellet sic ii vicerant, ut meritò dubitares, utrum maturam ejus in agendo celebritatem, ut maxime vellent, consequi potuissent.

Sed neque laureis acie instructâ demersis LUDOVICUS caruit. Quodcunque solum à militibus nostris, eo mittente, pressum est; illud felicem sylvam sub vestigiis triumphalibus protulit. Lauros in suis campis Flandria, suis finibus atq; adeo in sinu suo Germania, in suis rupibus Catalaunia, in suis vallibus Sabaudia, in suis montibus Italia, in suis littoribus Africa, in suis insu-

his America, in suis etiam vadis Oceanus peperit; soli naturam, caeli, rigorem, tempestatis inclementiam ubique vincente Gallo, qui non LUDOVICI quidem ductu, sed consilio & auspiciis dum pugnaret, omnia vinceret. Collectam tot locis segetem Regi suo miles redux obtulit, preciosum munus, sed debitum.

Neque verò illorum duntaxat fuit laurea, qui messuerant; sed ejus quoq; fuit maximè, qui manus ad metendum idoneas elegerat; qui delectas ferrò armaverat; qui armatas direxerat consilio: qui ad ferendum applicuerat imperio; qui ferientes virtute sua roboraverat. Ejus denique fuit, qui tum ageret in castris, cum in aula cessare, videretur; qui exercitus suos movebat immotus; regebat absens; & ipsos praeliorum casus, quantum humana prudentia potest, mente nutuque moderabatur.

Hinc adeò bellorum exitus, qui potissimum in ducibus spectari solent (tamen magnos imperatores non tam faciunt, quam probant vel commendant) LUDOVICUS habuit ita felices, ut quamvis aliquando victus, postquam absuit à castris, nunquam arma, nisi victor, posuerit: ita celeres, ut Provincias uno mense, una hebdomadâ, unâ die occupaverit; ita inexpectatos, ut & hostium merum & spem nostram, saepe vicerit: ita incredibiles, ut non modò priusquam ageret, sed etiam cum egerat, fidem propè supe-

raverit; ita immensos, ut omnia prosperorum eventuum genera, intra dominatus sui tempora concluderit.

Cujus rei testes erunt, ad omnium ætatum memoriam, unius Regis ductu vel consilio, captae urbes amplius ducentæ; profligati exercitus supra viginti; adjunctæ regno Provinciae complures; confirmati in solio Reges; dissipatae ferrò gentes; domitæ Respublicæ duæ, & altera solò obsequiò, altera solò naufragiò ab interitu servata; Europa trophæis insignita; Africa fulminibûs ambusta; America suis coloniis asserta; totus denique terrarum orbis fortitudinis Gallicæ famâ peragratatus, & territus, vel conciliatus.

LUDOVICUS itaque propter illam, & bellorum, quæ sustinuit & virtutum quas exhibuit, & facinorum; quæ gessit, & eventuum, quos habuit, magnitudinem, bellò magnum agnoscant omnes eodem cognomine donati Imperatores, Magnum agnoscat Alexander, plurimum domitor gentium, sed minùs bellicosarum: Magnum Carolus, ampliorum victor regionum, sed minùs defensarum: Magnum Henricus, recuperator imperii, sed non amplificator: Magnum & ille Pompejus, qui triumphare citiùs cæpit, sed maturiùs desit. Magnum bellò admirentur omnes quotquot fuerunt ipsi bello admirabiles. Nos Majorem pace amemus; & ereptum nobis Re-

gem Pacificum, alterâ orationis parte lugeamus.

SECUNDA PARS.

CUM tanta sit pacificas inter bellicasve virtutes disjunctio, quanta pacem inter, bellumque discordia esse intelligitur; mirabitur credo aliquis, quomodo is pace magnus, nedum major dici verè possit, qui magnus bellò fuerit jure appellatus. Admirari hoc sanè liceat, (si tamen reperire) in vulgaribus Heroum animis. Nam & Heroum quoque ipsorum quoddam vulgus est, quorum plerique ita fulgent in castrensi pulvere, ut in aulico splendore obsolescant: Heròes foris, domi vix homines: nunquam admirandi, nisi fuissent formidandi; nunquam fortè magni, nisi fuissent immanes.

At vero existunt; aut certè extitit ingentis cujusdam animi vir, qui cum arma nunquam exueret, nisi victor hostium, quos fortitudine primùm, deinde clementiâ debellaverat; nisi victor animi, cujus impetum in ipso victoriarum cursu continuerat; nisi victus charitate populorum, quam gloriæ suæ anteposuerat, sic uteretur otio aliis concessò vel imperatò, ut pace quàm bello major, dici mereretur.

Magnum equidem fuerat propagare fines imperii: sed majus illius augere vel reparare vires. Magnum, leges imponere hostibus; sed majus populos emendare legibus. Magnum, insi-

gnire Europam trophæis; sed majus ornare Galliam artibus. Ad illud bellô fuerat usus, ad hoc pace usus est LUDOVICUS, tantò majori cum laude, quantò externæ imperii gloriæ præstat domesticus splendor, & Regni amplitudini, ipsa regni incolumitas.

Frustra vî armorum propagatur imperium foris, nisi fructibus pacis intus reficiatur. Dum longè protendit fines, ejus plerumq; decrescunt vires, & exhauriuntur. Idemque ferè bellicosis gentibus evenit, quod arboribus generosis, quò brachia latius explicant, hoc minùs robore invalescunt.

Ut autem vires reparentur imperii & augeantur, non satis est illud pace quiescere, nisi communes regni provincias, veluti succus per omnes arboris ramos, uberius diffundantur. Hoc intellexit Rex pacificus; huc mentem appulit: & quoniam id præstant in regno fluvii: quod fibræ in arbore, illud curavit primum, ut fierent ii, quantum natura pateretur, vehendis ultrò citroque mercibus idonei. Ergo qui modò fluminum altitudinem exploraverat, ut bellica instrumenta transportaret; idem mox exploravit amnes, ut pacis commoda circumquaque traderet. Qui undas ex alveis deductas in rivulos diviserat, ut evertendis arcibus aditum reperiret; mox collectas è rivis aquas, in canales induxit, ut alendis urbibus commeatus invehe-

ret. Qui maria suis classibus intercluserat: mox Mediterraneo commisit Oceanum mari, submotis longissimo spatio tertis, excavatis non sine miraculo rupibus. Magnum opus! quod natura sociavit, illud dissolvere; quod distraxit, illud conjungere. Dignum opus Caesaribus! si forent ipsi, naturam digni vincere Cæsares. Reservatum opus LUDOVICO! cujus erat in fatis miracula à potentissimis illis mundi dominis tentata sæpius & relicta, moliri simul & perficere.

Fruebatur interim Gallia suis opibus per fluvios, per mare, è provinciis in provincias liberè commeantibus, sicque rerum per se facunda erat omnium, ut illà ægrè carerent cæteræ nationes; his ipsa facilè careret. Ex quo præsertim tempore lanificia è vicinis gentibus ad nos LUDOVICUS acciverat, Gallosque probaverat utrisque Minervæ studiis aptos esse; posse illos ut enses fortiter, sic acum tractare solenter; & utraque laude vincere. Ne quid tamen ad copiam deesset, externas opes apud nos considerari passus non est. Indiam mercatoribus nostris utramque aperuit. Illorum excitavit audaciam: acuit industriam; fortunam adjuvit. Illos munivit edictis in Galliâ, navibus in Oceano, colonis & propugnaculis in peregrino litore, ubique gentium, amore nominis sui vel terrore, vallavit. Abièrunt illi tantò freti præsidio; maria securi obièrunt; in longinquas re-

giones penetrârunt; mercibus commutârunt; & Galliam in Indias transferentes quodammodo, Indias in Galliam subinde referentes, tantum auri argentique advexerunt, ut nisi opes ad communem gentis usum traducendas avidius colligeret avaritia, & humanis usibus invideret, vix unus aliquis in regno incolis frequentissimo, inopiam nisi ex copia ipsa cognosceret.

Pergite tamen viri de patriâ optimè meriti, pergite novis nec simplicibus auspiciis illa bene mereri. Auspicia novi Regis & sua vobis commodat Principes, qui ad regimen Gallie non uno venit nomine; & Galliam non unâ virtute regit: qui dum saluti consultit publicæ, hoc unum timere finit, ne minus parcat suæ, quâ salus publica continetur: qui sic Regem instituit exemplis; sic regnum reficit curis, ut & optimum regno Regem, & regnum Regi optimum comparet: qui populorum amores colligit, ut pupillo regnanti tradat, partem regni longè optimam; & tradendo retineat, mercedem laborum unicam, & unice quæsitam.

Pergite; inquam; & in quascunque terras appuleritis, luctus nostros docete; solatia nostra ne silete. Dicite LUDOVICUM MAGNUM vixisse; hoc uno appellato nomine, damna nostra gentes intelligent. Dicite Philippum Gallie Rectorem esse; & hoc audito nomine, Principem intel-

intel
filii p
egreg
triâ p
tate c
do id
nobis
nos a
lo tu
DOV
xerat
vel r
laude
aliqu
gnus
verit
Il
firmi
tia, c
impo
vinc
relax
legib
jus,
M
Asie
neq;
ret a
N

intelligens manu fortem, ingenio magnum, consilii plenum, belli studiis nobilem; pacis artibus egregium, tam pace, quam bello vitæ pro patriâ prodigum, auctoritate dominum, popularitate civem. Imperio regendo habilem, habendo idoneum. Hæc intelligant gentes, & oblata nobis in tanto principe solatia gratulentur, si nos amant: neque gratulentur solum; sed & illo tutore & auspice, commercia foveant à **LUDOVICO** instituta; qui nos omnibus junxerat gentibus, ut Galliarum vires augetur pace, vel repararet; amandus, quod semper voluerit; laudandus; quod sæpe fecerit; excusandus; quod aliquando non potuerit? nec minus amore dignus & laude, quod populos legibus emendaverit.

Ille vulgò & temporum diuturnitate, quæ firmissima quæque dissolvit, & armorum licentia, quæ sanctissima quæque corrumpit, regnis importatur calamitas; ut disciplinæ domesticæ vincula; nisi adstringantur diligentius, paulatim relaxentur; ac dum leges accipiunt hostes, ipsi legibus eximant sese populi; & multa contra jus, alii faciant, alii patiantur.

Malè igitur Macedoniæ suæ consulebat ille Asiæ domitor, Rex; nulli forsitan imitabilis, sed neq; imitandus, qui longè vagatus, jura imponeret alienis, dare suis omitteret.

Non ira **LUDOVICVS**. Ense martis recondito

dito, Justitiæ gladium accepit Rex justissimus, & in vitia ex otio vel à tumultu nata, vim legum exeruit.

Gliscebatur in dies sæpe compressus, semper resurgens singularium certaminum furor; nec vili, sed nobilissimo regni sanguine pascebatur. Hostes quærebat domi, qui abessent foris; prælia indicebat sine jure; pugnabat sine modo; vincebat sine triumpho: sed vincebat impune, & ipsa impunitas, triumphum locum obtinebat, LUDOVICUS pœnas victoribus victisque constituit, hoc ampliores, quod ad vivos mortuorumque pertinerent; hoc graviotes, quod essent cum infamia conjunctæ; hoc minus eluctabiles, quod omnis veniæ spes, sacramentorum regio tolleretur. Sicque ignominiam metu coacti sunt vivere, quos opprobrii timor cogeret mori.

Abutebantur potentiam suam quibusdam in locis viri Nobiles, tantum sibi licere rati, quantum se posse confiderent. LUDOVICUS eorum coercuit impotentiam; & in eo regno, ubi summorum pariter & infimorum dominus ac tutor foret, nihil posse quemquam vel audere voluit, nisi quantum liceret. Atque ita cavuit, ne aut tenuitatem premeret nobilitas; aut adversus nobilitatem, insurgeret pressa tenuitas, aut altera noceret alteri, vel invideret.

Dominabatur alicubi in judiciis gratia vel avaritia. Nec sic Themis velum prætendebat oculis,

oculis, ut ne manus nimis liberaliter supplices videret; nec sic æquabat lances, ut ne altera pretioso pondere labaret; nec sic gladium strin-gebat, ut ne dextrâ malè pertinaci deflueret. LUDOVICUS ex incorrupto illo & inflexo Parisiensi Senatu delegit Judices, qui Provincias obirent cum potestate; qui de judiciis ipsis judicarent æquitate pari & auctoritate, & iniqua emendarent, laxa cõderent, corrupta rescinderent, quâ re provisum est, ne, quæ summa iniquitas est, Jus ad injuriam verteretur.

Texebantur in foro litium ambages immensæ, quibus sæpe irretiti clientes, nullum reperirent salutis exitum; & vel persequendo jure suo defessi, illud assequerentur nunquam; vel illud assequendo exhausti, nihil se demum consecutos esse deprehenderent: LUDOVICUS novo codice lato, novam obtinendi juris sui formam aperuit, sinè ambagibus expeditam; sinè circuitu brevem, sinè errore certam, sinè discrimine omnibus tenendam, nec recusavit ipse toto trimestri spatiò omnia supremi Magistratûs munia obire solus; & quâ manu sceptrum gerebat, eâdem sigilli fidem imprimere: ut ostenderet, quàm benè cum Regni administratione, Juris tractatio conveniret; quanta utriusque non dignitas modò, sed quasi societas esset: atque intelligerent omnes in Gallia, si minùs Judices regnare, at Regem judicare.

Ut vigent opibûs; ut stant legibûs; ita florent artibûs imperia: multoque magis harum operibûs, quàm triumphorum insignibûs ornantur. Squalluit mundi caput Roma, dum sola terrarum ultima trophæis illustraret; tuncque prodignitate Imperii splendere primùm visa est, cum Augustus qui (b) *lateritiam* acceperat; diurnam pace *marmoream* fecit.

Etsi autem nullâ tempestate artes in Gallia jacere passus est Rex, omni tempore artium Patronus: illas tamen pace potissimùm coluit & amplexus est; atque ita est amplexus, quasi pacificas artes unicè diligeret; ita coluit, ut nec ullâ ætate illæ, nec ulla ætas ab eis tantum splendoris acceperit.

Extiterunt quidem Prolomæi & Philippi, qui artes ingenuas benignissimè foverent; sed alias, nemo omnes, LUDOVICUS Prolomæis & Philippis benignior omnes benevolentiam comprehendit, siue manu, siue ingenio perficerentur; & nullas tutelâ excludi voluit, qui omnes tueri potuit.

Reperti sunt Trajani & Constantini, qui oblatas ultrò & apud se natas humanissimè tractarent. Hic Trajanis & Constantinis humanior, exules quoque vel peregrinas evocavit ad sese; & dignas existimavit non modò, quæ acciperentur comiter, cum se offerrent; sed etiam quæ, cum abessent, amicissimè invitarentur.

(b) *Sæcen in August.*

Inventi sunt Caroli & Francisci, qui sive natus domi, sive aliunde accitas tamdiu liberalissimè alerent, dum illas hospites haberent. Hic Carolus & Franciscus liberalior, externas quoque, & in aliena ditione commorantes, munificentia sua sustentavit; & earum voluit dici Pater, quarum non posset vocari Princeps.

Non defuerunt Antonini & Andronici, qui admissas in palatium collocarent honorificè, & sibi affidere aliquando juberent. Hic Antoninus & Andronicus in honorandis artibus prolixior, sedem illis propriam fixit in palatio; & regie habitare dedit, quibus regnare dederat.

Fuerunt varia ætate locupletes artium patroni, qui eis domicilia ponerent, vectigalia attribuerent, præmia proponerent. Hic ceteris locupletior patroni, & omnia largitus est, quæ largiri multorum est: & hoc addidit, quod is ferme unus dare potuit, materiam singulis amplissimam de suo, & eximium operis argumentum.

Quantam enim eloquentiæ Gallicæ in virtutibus suis laudum segetem; quantam Historiæ rerum præclare gestarum copiam: quantam Inscriptionum Academiæ titulorum varietatem; quantam Pœticæ miraculorum ubertatem; Statuariæ verò & Picturæ, quàm absolutam Herois speciem obtulit?

Tametsi omnes de te LUDOVICE, artes sæpè conquerentes audivimus. Quærebatur Pi-

ctura

Aura posse coloribus istam oris dignitatem ad-
 umbrari. Quærebatur Statuaria nullo marmore
 istam vultus ac totius corporis majestatem reci-
 pi. Querebatur Poëtica nullam sibi in tot prodi-
 giis, fingendi laudem relinqui. Querebatur in-
 scriptionum Academia nullis te satis dignis no-
 minibus inscribi. Querebatur Historia tuis ge-
 stis incredibilibus sibi fidem abrogari. Ipsa que-
 rebatur Lingua Gallica, virtotem tuarum nu-
 mero & magnitudine, omnem vocum suarum
 vim & copiam exhauriri. Omnes denique con-
 querebantur artes, quòd per te locupletata, in
 te ornando essent inopes; & quòd mancas mu-
 tasque in te faceres, in cæteris omnibus habiles
 & desideratas. Se tamen ingratas videri nega-
 bant posse; imò benè de te meritas prædicabant:
 quoniam etsi ornare te non potuerant, qui à te
 omnia, nihil ab arte ornamentum accepere, tuam
 certè ornaverant Galliam; quod unum expe-
 tebas.

Respiciat enim illa se, & omnium gentium
 facta spectaculum, ipsa contemplari se amet, vi-
 deat adjectam adibus magnificentiam, hortis
 amantatem, urbibus splendorem, sermonibus
 elegantiam, scriptis venustatem, cantibus sva-
 vitatem, telis & saxis animam, omnibus omnis
 generis monumētis dignitatem. Videat impositas
 arces sinibus, portus additos littoribus, naves
 portibus, nautas navibus, nautis disciplinas.

Vide-

Videat invec̄ta montibus flumina, infusa terris maria, adscripta recens cælo sidera; hæc videat; & nihil Romæ invideat, quæ Augusto Principe non tot aluit artes: nihil Græciæ, quæ tam brevi tempore non tot instituit artifices; nihil reliquo terrarum orbi, qui vix, quantus est, tam varia operum miracula complectitur. Hæc omnia debet artibus illa quidem, & artificibus; sed artes ipsas ipsosque artifices LUDOVICO debet, qui non diuturnâ pace, ut Cæsarem alter, sed exiguis sic usus est bellorum intervallis, ut Galliam, tum agendo viribus, quantum potuit: tum emendando legibus, quantum debuit; tum verò artibus ornando, quantum fermè voluit, pace quàm bello major videri meruit.

Et sanè talem admirati sunt, sive principes, qui ex variis Europæ regnis, sive Legati, qui ex ultimis mundi regionibus, ad eum multò plures, quàm olim ad Augustum adierunt. Utrique Regis & Regni fama exciti venerunt. Regnum ex Rege æstimaverant, antequam venirent: Regem ex ipso Regno, postquam venerant, ac demum alterum ex altero æstimaverunt, & Regnum opibus florentissimum, legibus fundatissimum, artibus ornatissimum contemplati: Regem verò formidatum foris, & amatum domi; sic regentem imperium, ut familiam, summâ clementiâ; sic familiæ ut regno moderantem;

tem; summâ auctoritate; fufum fuâ fapientiâ per omnes regni partes, velut animam per corpus: & omnes regni ordines velut ejusdem corporis membra, communi fociantem vinculo, & uno fpiritu moventem confpicati ac venerati, famam in utroque, hoc eft in Rege & Regno; non me adacii, fed fientii arguerunt: quòd non plura veris, ut folet, fed longè pauciora de utroque narraverat. LUDOVICUM bellò magnum audièrant; pace majorem viderunt. Nos Religione maximum vidimus & Regem nomine ac re Christianiffimum tertia orationis parte lugemus.

TERTIA PARS.

CUM omnibus Christianis hominibus Religione magnis effe fas eft; quia Religio ipfa magnos facit: tum Regibus hâc licet effe maximis: quia poffunt ipfi maxima, Religionis caufâ facere. Neque id aliquamdiu regnant. Quo etiam altero ex capite, qui magni pace vel bello fuerint, poffunt fieri Religione maximi. Bellum enim & Pax ita partem fibi vindicant in vita Principis, ut fe fe mutuo excludant: Religio totam Christiani Regis vitam poftulat, ut nulla ejus parte excludi debeat. Quo utroque nomine, maximus Religione fuit LUDOVICUS, qui & maxima, & toto vitæ tempore Religionis caufâ fecit; five dum illam vindicaret edictis, five

sive dura amplificaret beneficiis; sive dum exemplis illustraret.

Mirum fortè vobis Oratores sacri, at non molestum, credo, accider, quòd ego, aliam à vestra, dicendi orationem secutus, Regem exhibeam quoq; Religione maximum. Messis hæc nostra omnium est; omnibus in hanc licitum est falcem injicere. Neque, si vestra præcipuo quodam jure sit, nos tamen ab ea per vos severius arceri deceat. Qui ex nostra segete bellica tantum assumitis: è sacra messe vestra, tam præsertim ubere, aliquid decerpi concedite.

Auctoritate sibi à Deo creditâ Regem uti, majestatem ut asserat suam, hoc regium quidem est, sed humanum. Illam adhibere ad vindicandam Dei Religionem, id verò regium ac propè divinum est. Eò vertit auctoritatem suam Rex Christianissimus, quo primùm die illam per ætatem obtinuit, & ejus exerendæ facultatem habuit. Sedit ille in augustissimo Senatu, more majorum; at non tam sibi, quàm supremo Numini asseriturus reverentiam.

Homines audiérat sanctissimum Dei nomen usurpare ad contumeliam, & ipsum invocando provocare. Illorum temeritatem sacrilegam non tulit Ludovici IX. hæres & nepos, ætate disjunctissimus, pietate proximus; & gravissimum in eos edictum promulgavit. Quò edictò omnium primò, & impia clausit ora, & os ipse suum
pieta-

pietati consecravit. Omnem accepit Religio, & optimè sperare cœpit. Omnem vidit Hæresis, & si quid provideret, malè augurari debuit.

Illa jam inde à sæculo, eoque amplius, in Regni Christianissimi gremio partu infelici procreata; & à tenebris natalibus in apertam lucem e ducta; à vulgi studiis ad nobilium gratiam profecta; ab humilibus obsequiis, ad armatas preces, & ad cædes denique progressa, nihil in doctrina sincerum, nihil in legibus involatum, nihil in sacris impollutum, nihil in toto regno inconcussum reliquerat. Huc nimirum pertinere solet egregium illud navandi & emendandi studium! status regni convellitur, Religionis facies deformatur.

Has quidem injurias Ecclesiæ Parenti optimæ illatas doluerunt, ut decuit, Filii ejus Primogeniti; & quantum in se fuit, ulcisci voluerant; sed crebris licet confossa vulneribus hæresis, spirabat tamen in intimis Galliæ visceribus; & suis ipsa cladibus superstes, omnia triumphorum insignia retinebat. Grassabatur in regno contemprix Regum; sedebat in foro violatrix legum? delubra incolebat perniciēs templorum, & aras aris, sacra sacris conjungebat in eodem solo, & opponebat, sanctissimæ Religionis æmula pariter & sociā, hospes simul & inimica, ô pudor; hæc posita de se trophæa Religio videbat, ô dolor! & precibus lacrymisque vindicem implorabat.

Adfuit

Adfuit LUDOVICUS, qui grassantem belloam legum vinculis coërceret, & capita exerentem modò hoc, modò illo capite truncaret. Sed illa rumpebat laqueos, & uno capite abscisso, novum illico proferebat. Sensit pius, nec fabulosus monstrorum domitor vivacem hydram usque in Religionis damna pullolare. Timuit vinci; & hoc magis timuit, quòd non sibi, sed DEO vellet vincere. Artes opposuit artibus, sanctas impiis. Statuit uno ictu omnia simul fertilis monstri capita refecare. Arduum verò consilium; & iis omnibus, quæ bello vel pace gesserat, facinoribus longè operosius: sed hoc magis eo dignum Principe, qui Religione mallet, quàm pace vel bello, videri, & esse maximus.

Non illum à proposito revocaverunt edicta quædam regia, quibus novitas muniebatur: illa per iniquitatem temporum extorta intelligebat; & ad tempus concessa; nec semel per impiam temeritatem violata viderat. Non illum infregerunt objecti metus: id unum timuit, vel potius cavit, ne quid sibi in causa Dei timeret; & novitatem sciebat nunquam magis timendam esse, quàm cum timeri se consideret. Non illum fefellerunt dolosa ejus obsequia: illam noverat tamdiu fermè obsequi, quàm rebellare non auderet. Non illum moverunt præstita olim & sæpè jactata superbius officia: illam comperera nunquam benè regibus fecisse, nisi, ut regno malè face

facere impunè posset. Non illum inflexerunt habendæ de sublata libertate querimonix; tùm benè libertati publicæ consultum fore credidit, si pereundi licentiam è medio sustulisset. Non illum deterruerunt spargendi tam audacter quàm malignè de nimia ipsius severitate rumores: factis se cunctando, hortando, invitando, severitatis absolverat. Non illum denique retardaverunt virorum multa de rei eventu malè ominantium terrores. Valeant inconsulta hominum, minùs quia nimis prudentum, auguria, Vaticinium LUDOVICO certum, Religionis vox: loquitur illa, hic audit: calamus exeritur, non gladius: edictis pugnatur; edictis vincitur.

Rex jubet; & omnia impietatis templa repente corruunt, vetat; & decies centena hominum millia ritus profanos deserunt: proscribit, & hæresis toto, quaquà patet regno, exulat: decernit; & quod multi Reges potentissimi, contentionibus præliorum maximis, longissimò annorum spatio consequi non potuerant, id Rex unus, uno die, uno edicto exequitur. O pietatem LUDOVICI admirabilem! ô potentiam cum ipsa pietate de miraculis certantem! hominem diceres (si dicere fas est) in destruendo, æmulari Divinã in creando celeritatè Adeste Clodovæi, Ludovici, Philippi, cæterique Reges nostri Religionis magni, adeste; & nepotis vestri Religionis
maxi-

maximi triumphos, si quid pietas invideret vobis invidendos conspiciate.

At ecce peregrina, quamquam è Calviniano prognata semine, advehitur novitas; & Belgio in Galliam pestis refunditur. Matris pessimæ soboles pessima, nec inficianda matri, quamvis ipsa matrem ejuret. Ambæ neque similes prorsus, neque dissimiles; sic, ut in diversis moribus, eandem facile naturam agnoscas. Illa ferox, & temeritate præceps: hæc timida & metu-cauta, illa se late dominari prædicans; hæc se nusquam esse mentiens. Illa clamoribus insanis pugnat: hæc ipso defensa silentio. Utraq; (ut plura omittam, quibus alteri cum altera minus magisve convenit) utraque simulandi & dissimulandi artificio pene par: & hoc maxime similis, quod sit pro varia temporum ratione sui maxime dissimilis.

Hic etiam tuâ, LUDOVICE, manus vindex poscitur. Nec sibi Religioni deerit Rex, ni suscepta defensione constantissimus. Alteram hanc novitiam; sed minime rudem hæresim, quibus licet armis impugnabit. Ista velut certius fallat, vel ut tutius lateat, intra Ecclesiæ septa se continet; ipsam Ecclesiæ telis iterum atque iterum configendam tradet. Ista totis sexaginta annis Summorum Pontificum & Cleri Galliani decreta explodet vel eludet: Ille sanctissimis decretis edicta regia tamdiu adjiciet, & au-

ctoritatem alteram cum altera pio fœdere conjunget. Ista nihil fraudum omittet, quo in Gallia tanquam in materna possessione sedem & cubile figat: ille nihil omittet consiliorum, quo ipsam, sicuti matrem ejus, totâ Galliâ eiiciat & exterminet.

Tuum est DEUS optimorum dator & effector consiliorum, illud perficere, quod ipsi desideras velle: quod quamdiu vixit; voluit; quod & superiore, & hoc sæculo ita inchoavit, ut, cum perficietur, ejus quoque opera perfici merito censeatur. Sicque de bellica Novitate, quam multiplici vulnere confixit vivus, triumphet etiam mortuus.

Et sanè jam triumphâisset diu; & alterò post illum annò exorta, dudum ante ipsum, & per ipsum extincta foret hæresis, si tam hæc fuisset elidi facilis; quàm tertia illa pestis malè feriata, impiè otiosa, in sordibus quieta, quæ vix caput extulit; cum evanuit. Quasi ex Italia in Galliam ideo tantùm irrepisset, ut, quod Calviniana secta fuerat experta, quod experiebatur Janseniana, illud Molinosiana experiretur, nullam in eo regno hæresim benè quiescere, in quo regnaret LUDOVICUS Religionis vindex irrequietus.

Religionem ut vindicare possint Reges, sua facit auctoritas: ut possint amplificare, dat regia facultas: ut, quod possunt, id velint, syadet ipsa

Reli-

Religio; quæ Principum liberalitatem non ambit sollicitè, sed tacitè provocat; & si amatur, vel tacita auditur, illam audit vel tacitam, vel absentem, & exaudit Rex erga omnes liberalis, erga ipsam omni loco & tempore munificus, dicerem prodigum, nisi verbum hoc removeret Pietas, quæ dona sua ex ipsa dandi voluntate æstimans, vix sibi in dando satisfacit.

Quod enim unquam vel usquam muneris in Religionibus ab eo prætermisum est, qui templamplius trecenta illi excitavit in ipsis Calvinianarum ædium ruinis; ut geminò lætaretur triumphò, & quòd illæ ceciderant, & quòd ista surgerent? Qui nefariæ sectæ Magistris ab errore ad veram fidem revocatis census annuos attribuit; ne faciendo bonos, videretur fecisse miseros. Qui Regales aut regalibus, supbares domus extruxit vagis pauperibus, ne in vitium incurreret vaga mendacitas, militibus vulnere invalidis, ut parte sui superstite DEO unicè viveret manca fortitudo; puellis nobilibus, sed egenis, ut pietatem, omnium dotem optimam, colligeret indotata Nobilitas. Qui Regem sanctissimum cum innocentissima familia, quàm ejectum regnò impiè à suis, tam piè excepit hospitio; & solio restituere conatus est, dignum, qui restitueretur, dignus, qui restitueret, nisi dignior esset Religio, quæ eodem tempore in duobus maximis Regibus alterum pro ipsa fortiter a-

gentem, alterum fortiter patientem haberet. Qui Pastores Ecclesiæ regendæ semper elegit, aut eligere voluit, non solum bonos, sed etiam è bonis optimos. Qui præcones divini verbi munificentiam suam prosecutus est in plagas Orientis ultimas, ut quò Regis fama pervenerat, eodem veri Dei gloria pertingeret. Qui ubicunq; gentium Legatos habuit, ita Religionem per eos asseri voluit, ut nisi Religionis rem agerent, nihil se Regis, vel Regni causâ egisse intelligerent: Sed hæc aliqua beneficia à Rege liberalissimo non ommissa, ab Oratore auctiores intra limites incluso prætermittenda omninò sunt vel levissimè perstringenda. Neque verò recusandum est ea non capi orationis nostræ angustiis, quæ Galliæ finibus non contenta, in vicinas, in medias, in ultimas orbis partes redundaverunt.

Me ne autem silentio transire egregia virtutum exempla quibus Religionem LUDOVICUS illustravit; cum tam regium sit nihil, quam exemplum; nullum verò exemplum tam illustre sit quam regium, ut me juvet diversa Regis Christianissimi tempora animò relegere, & exemplis virtutum diversis illustratam ab eo Religionem intueri!

Illum ego vobis exhiberem in summa fortuna summè modestum; omnibus altiozem hominibus, & tantò se minorem DEO gerentem, ve-

tum

Sum triumphali curru, sed unde progressus in
templa, spolia hostium & sua tholo appende-
ret; sublimem in folio, sed è folio delapsum ad
aras, ubi majestatem regiam coram divina ma-
jestate deponeret; accipientem laudes, non fal-
sas, quibus vera virtus locum vix relinqueret,
sed veras, quas supremo Numini pietas referret;
audientem supplicum preces, sed hominum, qui
Regi ut homini supplicarent, quos ipse huma-
niter admitteret, regaliter dimitteret. Magnum
illis Regibus documentum, quos rebûs prospere
elatos, Diis æquat superbia; quibus fit tem-
plum aula, ara folium, consecratio laudes, in-
vocatio, preces; victima veritas, sacerdos adula-
tio.

Illum deinde vobis offerrem cum adversa for-
tuna quasi cum hoste novo compositum; neque
à tristibus ad tristiora sensim delapsum, ut mul-
tos, quibus profuit antea fuisse miseros, quam
fierent miserrimi; sed à lætissimis in tristissima
subito demersum sine ullo calamitatis usu: Re-
gem à Victoria desertum; partim familiam orba-
tum; Victoriâ in recedendo præcipitante cur-
sum; morte in adveniendò corripiente gradum:
ut qui paulò ante, Lilia Gallica in hostili solo
defixa longissimè prospiciebat, jam Aquilas Ger-
manicas expansis alis in Galliam advolantes pro-
ximè cerneret: ut qui modò Reges è sobole sua
utrique orbi dabat; & tribus ætatibus dare po-
terat,

terat, jam orbatus filiò pater, nepote avus, pronepote proavus idque ferè añuum intra spatium, vix è numerosa progenie superstitem videret infantem in quo domus inclinata recumberet.

In his tot repentinis, tam luctuosis casibus & ruinis, quàm jucundum vobis (quoniam & in ipso luctu juvat oblata virtutis eximiæ species) quàm dignum superis, hominibusque spectaculum Rex indejectus, inconcussus, immotus; neque tamen rigido septus robore, quod sensum doloris excludat; se Regem, se patrem sentit; & utroque simul nomine, Rex in patre, pater in Rege dolet; sed Religione nixus, quæ vices ipsi rependat, quam is sustinet, quæ ipsum fulciat. Illum cerneretis erectum coram populo, ne animos ejus affligat; & demissum coram Deo, ut ferientem ejus manum adoret. Illum audiretis, non accusantem duces in bellicis cladibus, ut accusabat ille (c) Cæsar post cladem Germanicam etiam mortuis parcere nescius; sed unum se arguentem omnium auctorem cladum & à regno in regium caput pœnas votis advocantem; illius exemplò Regis, quem peccando secutus fuerat; quem pœnitendo sequi volebat.

Verùm ab hac imagine, quoniam immorari non vacat, deflectamus oculos; ac ne levissimis qui-

(c) Suetonius in August.

quidem aspectibus cæteras delibemus LUDOVICI virtutes, quæ cum ille palam officiis Christianæ pietatis fungeretur, populos Regis admiratione, Dei reverentia defixos tenuerunt: ut qui Regem propter Deum colerent, Deum colere ab ipso Rege discerent. Illuc properet Oratio unde animus refugit: & in eo dicendi finem faciamus, in quo Religionem maximò, sed ultimò Rex immortalitate dignus exemplò decoravit.

Huc mentem advertite omnes ex omnibus mundi partibus Christiani Principes, & LUDOVICUM non jam fulminantem bellò, non sedentem in solio, sed afflictum morbò, & in lecto jacentem intuemini; neque ab illo vincere aut regnare, sed mori discite. Quamquam sic quoque regnat, solo stratus corpore, toto erectus animò, & veluti sol nunquam visus major, quàm in occasu. Sic quoque vincit, nunquam fortior, quàm cum inermis: nunquam acrior ad pugnam quàm cum hostis formidolosior.

Vincendum vitæ desiderium, quæ tum vehementissimè desiderari incipit, cum fugit: ita vincit, ut fugientem ne uno quidem gemitu vel aspectu revocet. Vincendus regni amor, qui Principibus innascitur primus, & extremus immoritur; ita vincit, ut qui vincula exuat, non sceptrâ deponat. Vincendus corporis dolor, qui à medentibus hoc gravior infligitur, quòd

quod ab ipso doloris sensu spes salutis petitur, ita vincit, ut sensus à membris in animum transeat, ex animo in vultum non prodeat. Vincendus mortis metus, quæ tunc terret maximè, cum frigida tacito gradu venit: ita vincit, ut in armorum tumultu fervidam vicerat. Vincendus Principum, & Procerum adstantium luctus, qui jacente Rege consternari animò, solo stant more fixi vincit, & ore placidus, voce firmus, ultima aliis monita; omnibus exempla dispensat.

Accede Infans Auguste, folio avito mox admovende, accede: proavi amplexus, sceptræ, & potiora utrisque præcepta excipe. Accedit accipit; flet; admonente naturâ, quid amittat; docente nondum cupiditate, quid acquirat. Flentem LUDOVICUS DEO commendat, cuius dare regna & servare est; commendat Gallia, quàm is pro potestate reget; Galliam ipsi commendat, ut paternè regat.

Dimissò regnò, ipsum imperii usum dimittit, antequam lucis usuram amittat; & huic tradidit Principi, qui Regis pupilli nomine imperabit. Atque illum jam nunc imperare jubet; non ut addiscat, quod parendo didicit; sed ut doceat, ipso quod majus imperiò est.

Dimisit omnia Ludovicus; sibi solus superest, & quia sibi superest, plus retinet quàm dedit: sed neque id ipsum retinet; & quas mors exuvias auferre jam parat, illas usque sui Dominus

minus; usque Religiosus, piò benevòloque animo distribuit.

Cor suum, partem sui optimam, nec toto minorem Rege, & orbe toto majorem, huic attribuit Societati, cujus in corde semper vixit, & dum vivet illa, victurus est: quæ non dico, sua adversus parentem amantissimum observantia tanto esset digna pignore, sed quæ illo fieret indignissima, si non prædicaret.

Cæteras funeris sui leges non aliter describit, quàm si pompæ triumphalis ordinem præscriberet, ante mortem sibi superest; & de morte ipso mortis apparatu triumphans.

Non hic ego vos appellabo, Alexandri, sciebatis vincere; non vos Augusti, sciebatis regnare; nesciebatis mori. Sola hoc docet Religio, quàm non eratis edocti. Mortem sprevistis quidem, cum vos dejectos & decumbentes invaderet; sed vel desperatione omnis vitæ vel falsæ immortalitatis expectatione malè fortes. LUDOVICUS spernit, melioris vitæ spe ac desiderio pulchrè animosus. Hunc tu illi spondes tot ab eo vindicata edictis, tot amplificata beneficiis, tot illustrata exemplis, prima & ultima ejus cura, Religio sancta, quæ natum in sinu tuo Regem: in complexu tuo morientem vides & hoc uno titulo, quòd tuus moritur, gloriantem audis.

Nos interea effusi ante aras, vota, lacrymas,
 d
 ani-

animam ipsam offerimus, ut ille vivat, in quo parte
nostri meliore vivimus. Quid posse voveamus, cog-
noscit, & improbat. Nos accusat, quod ipsum velle-
mus vivere. At ipse te accusares, Rex optime qui
tuis effeceras virtutibus; ut te semper vivere velle-
mus. Pugnât sâmen ille votis & vincit, quod, time-
bamus, quod expetebat id obtinet: *vixit.*

De te non conquerimur, DEUS. vitæ: mortisque
arbiter, cùm das optimos Reges laudandus: cùm re-
petis, adorandus; de te non conquerimur: & vota
nostra LUDOVICI votis cessisse patimur. Dignus e-
rat ille, quem ad te raperes; indigni eramus, qui a-
pud nos illum ultra retineremus. Ad nunc altera,
quæ non pro eo, sed cum eo apud te fundimus vota,
bonus excipe.

Vivat ille Regis maximi Hæres parvulus, tam citò
à Matrîs complexibus, à Patrîs exemplis, ab amori-
bus Avi, à proavi præceptionibus desertus; & hæc
omnia in uno Patruo sibi restituta esse sentiat.

Vivat ille felix; & in spes suas, quas nondum ce-
pit; in spes nostras, quas jam afficit, utrasque ma-
gnas, tempestivè adolescat. &c.

Vivat ille diu; & eorum annos Principium accipi-
at, quos immatura mors regnis abstulit.

Vivat, ille piè; & eorum virtutes animò compre-
hendat, quorum scepra manu colligit.

Denique vivat eo Rege dignus, qui magnam ipse
animam inter ultimos amplexus, cum Regno trans-
mittere visus est; & LUDOVICUM XIV. LUDO-


VICUS XV. amet nobis, nostrisque nepotibus
referre magnum bello, majorem pace, Re-
ligione maximum.

DIXI.



Re-
em
Po-
illi
on-
ant:
est.
Tui
au-
on-
ur
ria,
ono,
: il-
core
rta-
in-
Ele-
amq;
Orbē
ifici
qui-
atbe-
Feli-
Soci-
bus,
ā in-
Regū
lita-
xer-
Bel-
atem;
Cujus

atium
m Pa-
bis ē-
fa-
.



68.823

150

k 0.58/2
1/861

Biblioteka Jagiellońska



stdr0024817

